

19.03.2020. godine objavljen u "Službenim novinama Kantona Sarajevo", a ostaje otvoren do isteka mandata imenovanih članova Vijeća nacionalnih manjina Kantona Sarajevo, za predstavnike udruženja nacionalnih manjina koje imaju sjedište na teritoriji Kantona Sarajevo, a koje nisu delegirale svoje predstavnike u roku utvrđenom u Javnom pozivu.

V

Mandat članova Vijeća je četiri godine, s tim da mogu biti ponovo imenovani na način propisan Zakonom o zaštiti prava pripadnika nacionalnih manjina u Kantonu Sarajevo.

Skupština Kantona Sarajevo, tokom trajanja mandata, može provesti postupak zamjene člana Vijeća, na prijedlog udruženja pojedine nacionalne manjine koja ima registrovano sjedište na teritoriji Kantona i Komisije za pravdu, ljudska prava i građanske slobode Skupštine Kantona, uz navođenje opravdanih razloga za predloženu zamjenu.

VI

Pitanja koja se odnose na nadležnosti Vijeća, organizaciju i način rada Vijeća, finansiranje rada Vijeća i pružanje stručne i administrativno-tehničke podrške Vijeću, propisana su članom 29. Zakona o zaštiti prava pripadnika nacionalnih manjina u Kantonu Sarajevo.

VII

Stupanjem na snagu ove odluke stavlja se van snage Odluka o imenovanju članova Vijeća nacionalnih manjina ("Službene novine Kantona Sarajevo", br. 20/16, 27/16, 43/16, 7/17, 1/18, 19/18).

VIII

Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-04-32996/20  
27. augusta 2020. godine  
Sarajevo

Predsjedavajući  
Skupštine Kantona Sarajevo  
Dr. **Mirza Čelik**, s. r.

Na osnovu čl. 18. tač. b) i k), 29. stav (1) tačka e) i 38. stav (1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 40. stav (5) i 41. Zakona o dugu, zaduživanju i garancijama u Federaciji BiH ("Službene novine Federacije BiH", br. 86/07, 24/09, 44/10 i 30/16) i Poglavlja II tač. 11. i 12. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", br. 10/11 i 07/19), Skupština Kantona Sarajevo, na sjednici, održanoj dana 27.08.2020. godine, donijela je

**ODLUKU**

**O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA PROJEKAT ENERGETSKE EFIKASNOSTI U JAVNIM ZGRADAMA SARAJEVO**

I

Prihvata se zaduženje Kantona Sarajevo (u daljem tekstu: Kanton) po Ugovoru o zajmu između Bosne i Hercegovine (u daljem tekstu: BiH) i Evropske banke za obnovu i razvoj (u daljem tekstu: EBRD) za Projekat energetske efikasnosti u javnim zgradama Sarajevo, u iznosu do 8.000.000,00 EUR.

II

Sredstva zajma iz tačke I ove odluke koristit će se za realizaciju Projekta energetske efikasnosti u javnim zgradama Sarajevo (u daljem tekstu: Projekat), a implementirat će ga Ministarstvo prostornog uređenja, građenja i zaštite okoliša Kantona.

Svrha Projekta je da omogući uvođenje mjera energetske efikasnosti u približno 40 javnih zgrada (škole, bolnice, vrtiće i javne zgrade od općeg interesa). Projektom će se uvesti čišće i efikasnije grijanje, bolja izolacija, bolje osvjjetljenje i ukupno će se poboljšati stanje zgrada.

III

Sredstva zajma iz tačke I ove odluke prihvataju se u formi vanjskog indirektnog duga, pod sljedećim uslovima:

- iznos zajma	8.000.000,00 EUR
- rok otplate	13 godina
- grace period	3 godine (uključen u rok otplate zajma)
- kamatna stopa	šestomjesečni Euribor + 1% marža, na godišnjem nivou
- dospijeca	polugodišnje, u jednakim otplatama glavnice (na dan 20. april i 20. oktobar)
- jednokratna provizija	1% na iznos glavnice zajma

Iznos provizije na raspoloživa, a neisplaćena sredstva će biti 0,5% godišnje.

IV

Potvrđuje se da je razmatrana dokumentacija prihvatljiva za Kanton:

- Potpisan Zapisnik sa pregovora između BiH i EBRD-a od 10.02.2020. godine
- Nacrt ugovora o zajmu između BiH i EBRD-a
- Nacrt ugovora o podršci zajma između Kantona i EBRD-a
- Nacrt projektnog ugovora između Ministarstva prostornog uređenja, građenja i zaštite okoliša Kantona i EBRD-a

V

Sredstva zajma iz tačke I ove odluke, prenijet će se na Kanton potpisivanjem podgovora o zajmu između Federacije BiH i Kantona. Navedenim podgovorom Federacija BiH će preneti prava i obaveze na Kanton pod istim uslovima, a u skladu sa odredbama Ugovora o zajmu.

VI

Daje se saglasnost za zaključivanje podgovora o zajmu između Federacije BiH i Kantona, ugovora o podršci zajma između Kantona i EBRD-a i projektnog ugovora između Ministarstva prostornog uređenja, građenja i zaštite okoliša Kantona i EBRD-a, za zajam iz tačke I ove odluke.

Daje se ovlaštenje premijeru Kantona da potpiše podgovor o zajmu sa Federacijom BiH, kao i instrumente obezbjeđenja Zajma koji proizilaze iz podgovora.

Daje se ovlaštenje premijeru Kantona da potpiše ugovor o podršci zajma sa EBRD-om.

Daje se ovlaštenje ministru Ministarstva prostornog uređenja, građenja i zaštite okoliša Kantona da potpiše projektni ugovor sa EBRD-om.

VII

U svrhu redovne otplate Zajma, Kanton je saglasan da Federacija BiH, u slučaju neredovnog ispunjavanja obaveza po Zajmu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Kantonu.

Kanton se obavezuje da će u svrhu naplate svih potraživanja po ovom zajmu, Federaciji BiH dostaviti bjanko mjenice sa klauzulom "bez protesta" i Mjениčnom izjavom ovjerenom i potpisanom od strane premijera Kantona.

Kanton ovlašćuje Federaciju BiH da primljene bjanko mjenice može koristiti za naplatu dospjelog potraživanja.

VIII

U periodu dospjeća obaveza po Zajmu potrebno je iz budžeta Kantona osigurati sredstva za servisiranje obaveza po Zajmu.

Dodatna sredstva za plaćanje PDV-a, carine i drugih naknada u periodu implementacije Projekta obezbijedit će Ministarstvo prostornog uređenja, građenja i zaštite okoliša Kantona.

IX

Za realizaciju ove odluke i izvještavanje zadužuju se Ministarstvo finansija Kantona, Ministarstvo prostornog uređenja, građenja i zaštite okoliša Kantona, svako u okviru svoje nadležnosti.

X

Implementacija Ugovora o zajmu, iz tačke I ove odluke, ne zahtijeva donošenje novih ili izmjenu postojećih zakona.

XI

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-32943/20  
27. augusta 2020. godine  
Sarajevo

Predsjedavajući  
Skupštine Kantona Sarajevo  
Dr. Mirza Ćelik, s. r.

**Vlada Kantona Sarajevo**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj

34/14 - Novi prečišćeni tekst i 37/14 - Ispravka) i člana 35. i 36. Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", broj 10/20, 18/20 i 29/20), Vlada Kantona Sarajevo, na 30. sjednici održanoj 24.08.2020. godine, donijela je

**ODLUKU**

**O USVAJANJU PROGRAMA UTROŠKA SREDSTAVA  
TEKUĆIH I KAPITALNIH TRANSFERA  
MINISTARSTVA KOMUNALNE PRIVREDE I  
INFRASTRUKTURE KANTONA SARAJEVO  
UTVRĐENIH BUDŽETOM KANTONA SARAJEVO ZA  
2020. GODINU**

I

Ovom odlukom usvaja se Program utroška sredstava unutar agregiranih pozicija tekućih i kapitalnih transfera utvrđenih Budžetom Kantona Sarajevo Ministarstva komunalne privrede i infrastrukture Kantona Sarajevo za 2020. godinu, kako slijedi:

II

**RASPORED SREDSTAVA**

**1. Ekonomski kod 614400, funkcija 056F, subanalitika WAO029 - "Subvencioniranje troškova iz segmenta zajedničke komunalne potrošnje".**

Sredstva u iznosu od 28.493.600,00 KM raspoređuju se prema namjeni i korisnicima kako slijedi:

R. b.	Naziv programa/ pozicije	Interni broj	Svrha programa	Kategorija korisnika	Izvor 10 (budžetska sredstva)	Izvor 30 (namjenska sredstva)	Izvor 50 (transferi)	Izvor 60 (primici)	Ukupno
1.	KJKP "Rad" d.o.o. Sarajevo	WAO003	Subvencija javnom preduzeću	Javno preduzeće u vlasništvu Kantona	6.832.600,00		600.000,00		7.432.600,00
2.	KJKP "Park" d.o.o. Sarajevo	WAO004	Subvencija javnom preduzeću	Javno preduzeće u vlasništvu Kantona	5.829.263,00		400.000,00		6.229.263,00
3.	KJKP "Pokop" d.o.o. Sarajevo	WAO005	Subvencija javnom preduzeću	Javno preduzeće u vlasništvu Kantona	3.864.900,00		135.000,00		3.999.900,00
4.	KJKP "Vodovod i kanalizacija" d.o.o. Sarajevo - Rekonstrukcija uličnih slivnika, ulaznih građevina i kanala za atmosferske vode	WAO006	Subvencija javnom preduzeću	Javno preduzeće u vlasništvu Kantona	300.000,00				300.000,00
5.	JKP "Vodostan Ilijaš" d.o.o. Ilijaš - Rekonstrukcija, održavanje i čišćenje uličnih slivnika, ulaznih građevina i kanala za atmosferske vode	WAO007	Subvencija javnom preduzeću	Javno preduzeće u vlasništvu općina	481.200,00				481.200,00
6.	JKP "Komunalac Hadžići" d.o.o. Hadžići - Rekonstrukcija uličnih slivnika, ulaznih građevina i kanala za atmosferske vode	WAO008	Subvencija javnom preduzeću	Javno preduzeće u vlasništvu općina	590.000,00				590.000,00
7.	JKP "Trnovo" d.o.o. Trnovo	WAO012	Subvencija javnom preduzeću	Javno preduzeće u vlasništvu Općina	400.000,00				400.000,00
8.	Sufinansiranje održavanja prečistača Butila - KJKP "Vodovod i kanalizacija" d.o.o. Sarajevo	WAO023	Sufinan. Održavanja prečistača Butila	Javno preduzeće u vlasništvu Kantona			1.000.000,00		1.000.000,00